

RM12.8 bilion wang tak dituntut setakat 31 Okt

Bernama - 13 Nov 2024, 10:15 PM

Kerajaan akan teliti cadangan pengesanan pemilik atau waris guna data JPN agar wang dapat dikreditkan ke dalam akaun.

14
SHARES

f 3 X 0 11 0

👁 Total Views: 1,872




Menteri Kewangan II Amir Hamzah Azizan, berkata RM4.2 bilion daripada RM17 bilion wang tidak dituntut sudah diserahkan kepada empunya berhak. (Gambar Bernama)

KUALA LUMPUR: Sejumlah RM17 bilion wang tidak dituntut (WTD) diserahkan syarikat dan firma kepada Jabatan Akauntan Negara dengan RM4.2 bilion daripada jumlah itu telah dituntut empunya berhak, setakat 31 Okt.

Menteri Kewangan II Amir Hamzah Azizan ketika menggulung perbahasan Rang Undang-Undang Perbekalan 2025 peringkat jawatankuasa bagi Kementerian Kewangan di Dewan Rakyat, berkata ini menjadikan baki WTD yang masih tidak dituntut berjumlah RM12.8 bilion.

Beliau berkata, sejak 2022, Jabatan Akauntan Negara membuka 184 reruai di seluruh negara bagi meningkatkan kesedaran dan menggalakkan orang awam membuat tuntutan WTD.

Amir Hamzah berkata, pihaknya juga akan meneliti cadangan untuk kerajaan melakukan pengesanan pemilik atau waris menggunakan data terkini di Jabatan Pendaftaran Negara (JPN) supaya wang berkeñaan dapat dikreditkan terus ke dalam akaun mereka.



Sementara itu, beliau berkata kerajaan persekutuan bersedia mempertimbangkan cadangan kerajaan Kelantan dan Terengganu berhubung program dan projek yang boleh dibiayai menerusi pemberian wang ihsan terutama dalam usaha mengurangkan kemiskinan dan menambah baik infrastruktur asas.

Beliau berkata, kerajaan persekutuan sememangnya memberikan peruntukan pembiayaan untuk projek pembangunan kepada kedua-dua negeri itu yang disalurkan melalui kementerian.

“Ia antaranya merangkumi pelaksanaan projek Lebuhraya Central Spine Road dan pembinaan loji rawatan air di Kelantan, pembinaan hospital di Terengganu, jalan perhubungan serta menaik taraf sekolah di luar bandar,” katanya.